



PROGRAMA DE BENESTAR EN BALNEARIOS 2019



XUNTA DE GALICIA



Programa de Benestar en balnearios 2019

Convócanse un total de **700** prazas para participar no programa de Benestar en balnearios.

Os establecementos termais nos que se ofertan as prazas así como as datas nas que se van levar a cabo as quendas e o prezo por praza son os que figuran no anexo IV que se xunta.

Persoas beneficiarias e requisitos

1. Serán persoas beneficiarias do programa de Benestar en balnearios aquelas que reúnan os seguintes requisitos:

- a) Ser maior de 60 anos ou maior de 55 e, neste caso, reunir a condición de pensionista do sistema da Seguridade Social, polos conceptos de xubilación, invalidez, viuvez ou outras pensións.
- b) Estar empadroado e residir nalgún concello da Comunidade Autónoma de Galicia.
- c) Valerse por si mesmo para as actividades da vida diaria e estar en condicións de participar no programa, agás no caso de fillos ou fillas que acudan en calidade de acompañantes.
- d) Non padecer alteracións do comportamento que poidan afectar a normal convivencia nos establecementos, nin padecer enfermidade transmisible con risco de contaxio.
- e) Carecer de contraindicación médica para a recepción dos tratamentos termais.
- f) Acadar, de conformidade co baremo establecido, a puntuación que lle permita acceder a un dos balnearios e quendas solicitadas.

2. A persoa solicitante poderá ir acompañada de:

- a) O seu ou a súa cónxuxe ou, se fose o caso, a parella de feito ou persoa coa que teña unha unión estable e de convivencia con análoga relación á conxugal, sempre que cumpra os requisitos citados anteriormente, excepto o sinalado na letra a) do punto primeiro.
- b) Un fillo ou filla que teña un grao de discapacidade igual ou superior ao 33 %, sempre e cando este o poida facer sen necesidade de apoio de terceira persoa, se poida desprazar con autonomía, comparta o cuarto coas persoas proxenitoras e cumpra os requisitos anteriores, agás o da letra a).
- c) Unha persoa coa que desexe participar no programa, sempre e cando esta cumpra todos os requisitos citados anteriormente.

Programa de Benestar en balnearios 2019



3. As persoas solicitantes terán que cumprir os requisitos establecidos na data na que remate o prazo de presentación de solicitudes.

Servizos e prestacións que se inclúen

- a) Estadía de 10 días, 9 noites.
- b) Aloxamento e manutención en réxime de pensión completa e en cuartos dobres de uso compartido.
- c) Tratamentos termais, coas indicacións terapéuticas que figuran para cada balneario no anexo IV, que comprenderán:
 - O recoñecemento médico, ao ingresar no balneario, para a prescrición do tratamento.
 - O tratamento termal básico que, en cada caso, prescriba o persoal médico do balneario.
 - O seguimento médico do tratamento.
- d) Programa de actividades de animación sociocultural que se leve a cabo no establecemento hoteleiro, residencial ou termal.
- e) Póliza colectiva de seguro turístico.



Solicitudes

As solicitudes presentaranse, preferiblemente por vía electrónica, a través do formulario normalizado dispoñible na sede electrónica da Xunta de Galicia, <https://sede.xunta.gal>,

Para a tramitación destas solicitudes poderán consultarse os datos incluídos nos seguintes documentos elaborados polas administracións públicas:



Programa de Benestar en balnearios 2019

- a) Documento nacional de identidade (DNI), ou número de identificación de estranxeiro (NIE), segundo proceda, relativo á persoa solicitante e, se for o caso, á que a acompaña: cónxuxe, parella de feito ou relación análoga á conxugal, filla ou fillo con discapacidade ou outra persoa.
- b) Certificado de empadramento relativo á persoa solicitante e, se for o caso, á que a acompaña: cónxuxe, parella de feito ou relación análoga á conxugal, filla ou fillo con discapacidade ou outra persoa.
- c) Declaración do imposto da renda das persoas físicas correspondente ao último período no que se presente a solicitude ou certificado das pensións outorgadas polo INSS ou pola Xunta de Galicia, da persoa solicitante e da acompañante, se for o caso.
- d) Certificado do grao de discapacidade do fillo ou filla da persoa solicitante, se o dito certificado foi expedido pola Xunta de Galicia.

No caso de que as persoas interesadas ou acompañantes se opoñan a esta consulta deberán indicalo no cadro habilitado no modelo de solicitude ou nos anexos II ou III, segundo proceda, e achegar os documentos acreditativos correspondentes.

En todo caso, e cando proceda, terán que xuntar os seguintes documentos:

- Copia compulsada do pasaporte, se procede, relativa á persoa solicitante e, se fose o caso á que se acompaña.
- Libro de familia da persoa solicitante, no caso de que queira acudir ao programa acompañada dun fillo ou filla con discapacidade.
- Certificado das pensións non outorgadas polo INSS nin pola Xunta de Galicia, da persoa solicitante e da acompañante, se for o caso.
- Certificado do grao de discapacidade do fillo ou filla da persoa solicitante, se o dito certificado non foi expedido pola Xunta de Galicia ou non estiver no poder desta.
- Informe médico actualizado no caso de ter algunha limitación, alerxia ou enfermidade que requira dalgunha atención especial.

A documentación complementaria tamén se presentará preferiblemente por vía electrónica

* En cada solicitude só se poderá relacionar un máximo de tres destinos por orde de prioridade.



Programa de Benestar en balnearios 2019



Prazo de presentación de solicitudes

O prazo para a presentación de solicitudes será de **un mes** desde a súa publicación, ata o 2 de maio.

Valoración de solicitudes

Para a adxudicación das prazas terase en conta o baremo que figura no Anexo V da orde reguladora do programa, no que se teñen en conta a idade e os ingresos económicos das persoas solicitantes.

En caso de empate daráselle prioridade ás persoas que teñan menores ingresos, seguidas das de maior idade.

Adxudicación de prazas

Para que a adxudicación de prazas sexa definitiva, as persoas ás que se lles concede praza terán que enviar, ao lugar e no prazo que se lles indique, o documento de aceptación da praza xunto co xustificante de ter aboado o importe de reserva de praza no balneario adxudicado.



Información

- **Consellería de Política Social**

Subdirección Xeral de Promoción da Autonomía Persoal e Prevención da Dependencia

Edificio Administrativo San Caetano, s/n. 15781 Santiago de Compostela.

Teléfono: 981 544640, 546737/FAX: 981 545691

correo electrónico: autonomiapersoal.xsps@xunta.gal

<http://politicassocial.xunta.gal/web/portal/portada-de-maiores>



Programa de Benestar en balnearios 2019

- **Xefaturas Territoriais**

Servizos de Dependencia e Autonomía Persoal

Rúa Concepción Arenal, 7-9. 15006 A Coruña.

Teléfono: 881881537 Fax: 981881506

Rúa Serra de Ancares, 68 baixo. 27003 Lugo.

Teléfono: 982294896 Fax: 982889162

Rúa Concello, 14. 32003 Ourense (Centro Sociocomunitario)

Teléfono: 988372430 Fax: 988370884

Praza da Estrela, s/n - 3º Andar. 36201 Vigo

Teléfono: 986817214 Fax: 986817637

- **Centros sociocomunitarios** de Benestar da Consellería de Política Social.
- **Servizos sociais comunitarios dos concellos e servizos sociais de atención primaria e especializada de saúde.**
- **Teléfono Social: 900 333 666**



Anexo IV. Establecementos termais, indicacións terapéuticas, quendas e prezos.

Destinos	Indicacións terapéuticas	Datas e quendas	Prezo da praza
Balneario de Acuña. (Caldas de Reis). Pontevedra.	Respiratorias e reumatolóxicas	Do 18 ao 27 de xuño	342,00 €
		Do 10 ao 19 de setembro	
Caldaria Termal (Arnoia). Ourense.	Reumatolóxicas	Do 5 ao 14 de xuño	361,00 €
Hotel Balneario Augas Santas. (Ferreira de Pantón). Lugo.	Dermatolóxicas, respiratorias, reumatolóxicas, circulatorias e con efectos relaxantes	Do 3 ao 12 de xuño	361,00 euros
		Do 24 de xuño ao 3 de xullo	
		Do 16 ao 25 de setembro	
Os Baños da Brea. (Vila de Cruces). Pontevedra.	Respiratorias e reumatolóxicas	Do 1 ao 9 de xullo	342,00 €
		Do 23 de xullo ao 1 de agosto	
		Do 2 ao 11 de agosto	
Balneario de Molgas. (Baños de Molgas). Ourense.	Dermatolóxicas, dixestivas, respiratorias, reumatolóxicas, renais e sistema nervioso	Do 19 ao 28 de xuño	342,00 €
		Do 1 ao 10 de xullo	
		Do 19 ao 28 de agosto	
Balneario de Caldelas. (Tui). Pontevedra.	Dermatolóxicas, respiratorias e reumatolóxicas	Do 10 ao 19 de xullo	287,50 €
Gran balneario de O Carballiño. (con aloxamento na Residencia de Tempo Libre do Carballiño). Ourense.	Dermatolóxicas, dixestivas, respiratorias e reumatolóxicas	Do 18 ao 27 de setembro	287,50 €
Baños Vellos de Carballo. (Carballo). A Coruña.	Respiratorias e reumatolóxicas	Do 18 ao 27 de xullo	342,00 €
		Do 31 de xullo ao 9 de agosto	
		Do 24 de agosto ao 2 de setembro	
		Do 5 ao 14 de setembro	
		Do 18 ao 27 de setembro	
Termas de Cuntis. (con aloxamento no Hotel Castro do balneario). (Cuntis). Pontevedra.	Dermatolóxicas, respiratorias e reumatolóxicas	Do 27 de maio ao 5 de xuño	361,00 €
		Do 5 ao 14 de xuño	
		Do 17 ao 26 de xuño	
		Do 27 de xuño ao 6 de xullo	
		Do 8 ao 17 de outubro	
Caldaria Termal. Laias (Cenlle). Ourense.	Reumatolóxicas	Do 9 ao 18 de xullo	361,00 €
Lobios. (con aloxamento no Hotel Lusitano. (Lobios). Ourense.	Reumatolóxicas	Do 12 ao 21 de xuño	342,00 €
Balneario do Río Pambre. (Palas de Rei). Lugo.	Dermatolóxicas, respiratorias e reumatolóxicas	Do 21 ao 30 de xuño	342,00 €
		Do 3 ao 12 de xullo	
		Do 14 ao 23 de xullo	
Balneario Termas de Lugo. (Lugo).	Respiratorias e reumatolóxicas	Do 17 ao 26 de xuño	361,00 €
		Do 26 de xuño ao 5 de xullo	
		Do 5 ao 14 de xullo	
		Do 29 de xullo ao 7 de agosto	
		Do 19 ao 28 de agosto	
Balneario de Mondariz. (Mondariz Balneario). Pontevedra.	Respiratorias e reumatolóxicas	Do 9 ao 18 de xuño	361,00 €
		Do 11 ao 20 de xullo	
		Do 1 ao 10 de agosto	
		Do 22 de setembro ao 1 de outubro	
		Do 17 ao 26 de outubro	
		Do 27 de outubro ao 5 de novembro	

